



2015-mut

Kommuneqarfik Sermersuumi

Piareersarfiit

pillugit

isumaqatigiissusiamut ilanngussaq

anguniagasssatullu inernerisassat



Imarisai:

Aallarniut	2
1) Piareersarfinnut tapiissutit	3
2) Suliffissaaleqisunut immikkut ittumik iliuuserisat	3
3) 15-iniit 18-it tikillugit ukiulinnut immikkut suliniuteqarneq	4
4) Qitiusumit qinnuteqarfissat	4
5) Inernerisassatut anguniakkat	4
6) Piareersarfinnut ingerlatsinermut tapiissutit	5
7) Suliffissaaleqisut pillugit iliuusissaq 2015	5
8) Ilinniagaqarnersiuteqartussanut amerlassusiliinerit	8

Aallarniut

Namminersorlutik Oqartussat aamma Kommuneqarfik Sermersuup akornanni kiffartuussinissamik isumaqatigiissutip aallaavigalugu Piareersarfinnut 1. januar – 31. december 2015-mut ingerlatsinerannut ilassutitut immikkut isumaqatigiissuteqartoqarpoq.

Piareersarfinni qitiusumik ingerlatsiviit suliaminnik ingerlatsinerat il.il. pillugit naliliisarneq pillugu *Namminersornerullutik Oqartussat nalunaarutaat nr. 17, 16. oktober 2007-imeersoq* malillugu § 6, imm. 1 aamma 2 naapertorlugit immikkoortut arlallit taaneqarput kommunalbestyrelsip Suliffeqarnermut Inuussutissarsiutinullu ilinniartitaanermut Pisortaqaarfimmu (maanna Inuussutissarsiornermut, Suliffeqarnermut Niuernermullu Naalakkersuisoqarfik) nalunaarutigineqartartussatut kissaatigisat.

Kommunimut ingerlatsinermut tapiissutit aningaasarsiat akillu nalinginnaasumik qaffakkiartornerat aammalu kommunimi pineqartumi inuussutissarsiutinut ilinniartitaanerni lærlingit amerlassusiat tunngavigalugit iluarsiivigineqartarput (1,03 % 2015-mut). Ilinniagaqarnersiuteqarfiusut amerlassusissaat aningaasanut inatsit naapertorlugu aningaasaliissutit malillugit naleqqussarneqartarput.

Isumaqatigiissusiamut ilanngussap imarivai Piareersarfinnut ataatsimut tapiissutit, suliffissaaleqisunut suliniutit, inuussuttuaqqanut suliniutit, qitiusumik qinnuteqarfissat, inernerisassatut anguniagassat, ingerlatsinermut tapiissutit, Suliffissaaleqisut pillugit iliuusissaq 2015 aamma 2015-mut ilinniagaqarnersiutissat.



1) Piareersarfinnut tapiissutit

Illoqarfiit	Ilinniagaqarnersiutissat		Qaammatit	Tapiissutit akissarsianut atortunullu		
	Agguakkat	Suliffissaaleqineq akiorniarlugu suliniummit		Ingerlatsinermut tapiissutit	Suliffissaaleqineq akiorniarlugu suliniummit	
Nuuk	80	40	1800	10	3.178.138	1.510.000
Nuuk ungeafklaring		60 pers	450	2		750.000
Piorsaavik Nuuk		78	3250	10		740.000
Paamiut	28					
Illoqqortoormiut	14					
Tasiilaq	35					
Aqutissiuussisunut						1.000.000
15-18-árige indsats	20 pers		157,5	3	985.000	
	157	118			8.199.587	4.000.000
Katillugit/ I alt		275	kr. 5.657,5			12.199.587

Suliffissaaleqineq akiorniarlugu suliniummut aningaasaliissutit aamma "Suliffeqanngitsunut iliuusissatut pilersaaruti pillugit Kommuneqarfik Sermersooq aamma Namminersorlutik Oqartussat"-mi allasimapput.

Qalipaas qasersoq Piareersarfinni suliffissaaleqineq akiorniarlugu suliniummit immikkut tapiissutaapput. Kapitali 7-imi nassuiaatigineqarput.

2) Suliffissaaleqisunut immikkut ittumik iliuuserisat

Aqutissiuussineq pillugu inatsisip nutaap 1. januar 2014-imi atuutilersup inuusuttut 18-it tikillugit ukiulinnik aqutissiuussinissaq pillugu meeqqat atuarfiisa aamma Piareersarfiit akornanni suleqatigittuarnissap isumannaarnissaanik Piareersarfiit pisussaaffeqarnerinik erseqqissaavoq. Ilaatigut piareersarnermut aamma ikaarsaariarnermi aqutissiuussinerup naammassineqarneranut tunngatillugu Piareersarfiit meeqqat atuarfiannik ikiorsiisapput, tamannalu piviusutigut makkununga tunngatillugu: periarfissat pillugit aqutissiuussineq, inuusuttut ilinniagaannut atatillugu piumasaqaatit atugassarisallu, nangitsilluni ilinniarnert, ilinniagassatut neqeroorutit pingaarutillit allat, ilanngullugit atuarfiup tunngaviusup inuusuttullu ilinniagarisaasa akornanni ikaarsaariarnermut atatillugu, kiisalu inuusutissarsiteqarnermi periarfissaasinnaasut. Tamatumunnga nangillugu suliffissaaleqisunut immikkut ittumik iliuuseqarnermi Kommuneqarfik Sermersuumi ukiuni missiliorfigisani 1.000.000 kr.-inik aningaasalikkamik immikkut aqutissiuussisumik atorfinitsinnissaanut tapiissuteqartoqarsimavoq.

Taamatuttaaq suliffissaaleqisunut tunngatitanik immikkut ittumik ilinniagaqarnersiutinut atugassanut 2.000.000 kr.-nik agguassassaqqarpoq, suliffissaaleqineq akiorniarlugu piorsaaivinni piginnaasanik qaffassaanermut atugassat.



Tapiliussatut isumaqatigiissummik nassiussisoqassaaq suliffissaaleqisunut immikkut suliniut pillugu tassanilu Piareersarfinni suliniutai pillugit. Aningaasat agguanneqarnerat illugiilluni isumaqatigiissutaareerput piumasat aallaavigalugit.

3) 15-*iniit* 18-*it* tikillugit ukiulinnut immikkut suliniuteqarneq

2013-mi Namminersorlutik Oqartussat immikkut suliniummik 15-*iniit* 18-*it* tikillugit ukiulinnut aallartitsivoq. Inuusutissarsiornermut, Suliffeqarnermut Niuernermullu Naalakkersuisoqarfik naliliivoq pivusorsiorpalaartoq nangissallugu atuagarsorfiunngitsumik neqeroorummik sumiiffimmuut naleqqussakkamik ingerlatsisoqarsinnaasoq inuusuttunut 20-nut 2015-ip ingerlanerani. Ingerlatsitsinissamut taamaattumut aningaasaliutigineqarput kr. 825.000 - atuagarsorfiunngitsumik neqeroortoqarpat isumaqatigiittoqarpallu.

Ikaarsaanermut aqputissiuussinerit Kommuneqarfik Sermersuup nunaqarfiini minnerpaamik qulinik 15-*iniit* 29-nut ukiulinnik innuttaasulinnut ingerlatissavai. Nunaqarfinni taakkunani isumaliutigineqassaaq aqputissiuussineq nunaqarfimmi imaluunniit illoqarfimmi pissanersoq. Aningaasaliutigineqarput kr. 20.000 taakkualu angalanissamut unnuinissamullu akiliutinut matussusiissapput nunaqarfimmut ataatsimut Kommuneqarfik Sermersuup kr. 160.000 (katillugit nunaqarfiit arfineq-pingasut).

4) Qitiusumit qinnuteqarfissat

15-18-*inik* ukiulinnut tunngatitanik immikkut ittumik ilinniartussat pillugit agguassassani 2.000.000 kr.-usuni qinnuteqartoqarsinnaavoq. Ilassutitut ilinniartussat ilinniagaqarnermik imaluunniit suliffeqarnermik nangitsisoqarnissaq siunertaralugu faginut nalinginnaasunut aammalu allatut qinigassatut atuagarsornerunngitsunik ingerlassanut, kiisalu ilitsersuisarnernut atorneqassapput.

Piareersarfinni pisussani suliniutinut aningaasanik qinnuteqartoqarsinnaavoq. Agguassassat 1.550.000 kr.-upput, qinnuteqartoqarneratalu kingornatigut tapiissutigineqarsinnaapput.

5) Inernerisassatut anguniakkat

2015-mut anguniagaavoq Kiffartuussinissamik isumaqatigiissut naapertorlugu aqqqissuussarisassat ingerlallugillu isumagineqartarnissaat. Tamatumani immikkoortoq piingaarutilik tassaavoq suliffissarsiuussisarfiup Piareersarfimmut ilanngutitineqarnissaa, aammalu/imaluunniit kommunimi pineqartumi ilinniartitaanermut sammisut suliffeqarnerullu akornanni sapinngisamik pitsaanerpaamik suleqatigiittoqarnissaa.

Naatsorsuutigineqarpoq Kommuneqarfik Sermersuumi inuit ilinniagaqalernissamut piginnaasaqarnerulersussat imaluunniit suliffeqarnermut piareersimalersussat 2015-mi ukiunut siuliinut naleqqiullugu amerliartulersimanissaat.

Ilinniartitaanermi anguniakkat

- Piareersarfimmi piginnaasaqarfigilikkamik ilinniagaqalersinnaanissamut 2014-mi naammassinnittut ikinnerpaamik amerlaqataat Piareersarfimmi 2015-mi naammassinnissapput piginnaasaqarfigilikkamik ilinniagaqalernissamut tigueqarsinnaalerfiusumik.



- o Inuit AEU-mik ilinniartut immikkoortunit aqquusaagassanit marluusuni minnerpaamik ataaseq 2015-mi angusiffigisimassavaat. Imaappoq, AEU-mi immikkoortoq 1-imut aamma/imaluunniit 2-mut angusisoqarsimassaaq.

Ilinniartitaanermi pitsaassuseq

- o Kommunip Piareersarfimmi piginnaasalinnik sulisoqarnissaq isumannaassavaa.
- o Kommunip Piareersarfiup illutassai naapertuuttut isumannaassavai.
- o AEU atuutilersinneqassaaq ingerlateqqinneqarlunilu.
- o AEU-mi atuartunut qarasaasiat ikinnerpaamik 15-iniit nutarteriigaallutillu internettimut attavillit atugassiisutaassapput. Qarasaasiat ilinniartitsissutitut tigussaasumik atorreqarsinnaassapput.
- o Atuakkersuutit atugassiaassapput; Oqaatsit (ordbogit) oqaasivinnut tamanut, kalaallisut/danskisut, danskisut/kalaallisut, ordbogi, tuluttut/danskisut, danskisut/tuluttut, nudansk ordbog.
- o Inuussutissarsiornermut, Suliffeqarnermut Niuernermullu Naalakkersuisoqarfiup ilinniartitsinermut atugassiai atuartitsinermi atorreqarsinnaapput.
- o Kommune innersuussisarnermut ilitsersuinissamullu najoqqutassanik pilersitsillunilu atuilissaaq.

6) Piareersarfinnut ingerlatsinermut tapiissutit

2015-mut ingerlatsinermut tapiissutit naatsorsorneqarput ataatsimut tassaassasut kr. 7.214.587.

Naatsorsuinermi agguataarinermut tunngaviupput:

Illoqarfiit	Ingerlatsinermut tapiissutit
Paamiut	1.284.618
Nuuk	3.178.138
Tasiilaq	1.430.440
Illoqqortoormiut	1.321.391
Katillugit	7.214.587

1. februar 2015 nuunneqassapput kr. 5.771.669,60. Taakku matussutaassapput ingerlatsinermut ataatsimut tapiissutissat 80 %-iinut. Ingerlatsinermut tapiissutissat sinneri 20 %-it 1.439.917,40 kr.-nit 2015-mi qaammatit pingasukkaartut sisamaanni akilernerqassapput, piumasaqaataallunili Kommuneqarfik Sermersuup inernerisassatut anguniakkanik isumaqatigiissutaasunik naammassinninnissaa.

Malugineqassaaq ingerlatsinermut tapiissutit agguataarneqarneri illoqarfinnut missingersuutaammata. Kommuni nammineq aalajangersinnaavoq pisariaqartitsineq aallaavigalugu agguataarinissamut.

7) Suliffissaaleqisut pillugit iliuusissaq 2015

Kommuneqarfik Sermersooq-mut 2015-imi suliffissaaleqineq akiorniarlugu immikkut suliniuteqarnissamut isumaqatigiissuteqartoqarenera innersuussutigalugu, immikkut



suliffissaaleqinermut suliniuteqarnissamut tapiliussatut isumaqatigiissut nassiunneqarpoq. Tapiliussatut isumaqatigiissut ingerlatassanut kommunip Piareersarfinni piginnaangorsaanerit ataatillugu aallartitassaannut aningaasanik nuussinissamut tunngassuteqarpoq kiisalu Piareersarfiit qanoq piginnaangorsaanerit ingerlanerannut nalilersuinissaannut naalackersuisoqarfik qanoq kissaateqarnerisooq.

Suliniuteqarnermut siunnerfiit:

2015-imi suliffeqanngitsunut immikkut ittumik suliniuteqarnissamut siunnerfiusooq Kommuneqarfik Sermersooq-mi inuusuttut 118-it sannavimmi piginnaangorsarlutik imaluunniit Piareersarfinni AEU-mi piginnaangorsarlutik aallartissasut. Malugiuk siunnerfiusooq Piareersarfinnut kiffartuunneqarnissamut isumaqatigiissummut killissaliussat iluaniingimmat.

Iloqarfiit	Ilinniartut amerlassusissaat	Sap.ak./qaam. amerlassusissaat	Ilinniagaqarnersiutinit tapiissutit	Tapiissutit		Tapiissutit
				Akissarsiat atortunullu	Ataatsimut	
				60 % - kr.	40 % - kr.	
Piareersarfinni atuagarsorluni FA piginnaangorsaaneq Nuuk	40	10	1.800.000	906.000	604.000	3.310.000
Piareersarfiik aqputissiuussisoqatigiit	60*	2	450.000	450.000	300.000	1.200.000
Inuusuttunut allaffik Nuuk						
Piorsaavimmi sannavimmi piginnaangorsaaneq Ittoqqortoormiut Tasiilaq, Paamiut Nuuk	78	10	3.250.000	444.000	296.000	3.990.000
Tapiissutit ataatsimut	118		5.500.000	1.800.000	1.200.000	8.500.000

Suliffeqanngitsunut suliniuteqarnermut piumasaqaatit:

Inuusuttut 118-it taakkua piginnaangorsaanerup ingerlanerani malinnaassapput, qaammatit 10-it tikillugit siviussuseqartumik. Piginnaangorsaanerup ingerlanissaata aallartinginnerani peqataasut tamarmik iliuseqarnissamut pilersaaruserfigineqarnissaat Piareersarfiit isumagissavaat. Taamatuttaaq Naalackersuisoqarfiup kissaatigaa sannavimmi suliffimmilu ingerlatat, inuit qassit piginnaangorsaanerit ingerlaneranni peqataasimanersut naammassisimanersullu, AEU-imi



piginnaangorsaanneri, ilinniagaqalernerimi aallartissimanersut aammalu sulilersimanersut aallaavigalugu nalilersuisoqassasoq.

Kingusinnerpaamik 15. september 2015 Piareersarfiit ataasiakkaat atuarnerit naammassineqartut nalilersussavaat aammalu nalilersuineq elektroniskingorlugu naalackersuisoqarfimmut nassiutissallugu.

Nalilersuineq marlunnik immikkoortoqarpoq:

- a. Piginnaangorsaannerit, sannavimmi suliffimmilu sungiusaannerit ingerlaneranni peqataasunik nalunaarsuineq. Paasisutissat regneark-imi, naalackersuisoqarfiup Piareersarfinnut nassiussimasaanni nalunaarsorneqassapput.
- b. Piginnaangorsaannerit ingerlanerannik nalilersuineri, atuartitsinerup ingerlanera aamma atuartitsinissamut pilersaarutit aamma ingerlatanut sannavimmi suliffimmullu sungiusaannerimut atatillugu ingerlanneqarsimasunut pilersaarutit, sammineqassapput. Naliliinerimut naggasiutigineqassaaq, piareersarfiit ataasiakkaat siunissami suliniutinik sunik naatsorsuutigisaqarnerisut.

a pillugu – Peqataasunik nalunaarsuinerup takutissavaa:

- a. inuit qassit iliuusissanut pilersaarusiorfigineqarsimanersut.
- b. qassit piginnaangorsaannerit ingerlaneranni naammassinnissimanersut.
- c. piginnaangorsaannerit ingerlaneri qanoq ittut ingerlanneqarsimanersut.
- d. inuit qassit piginnaangorsaannerit ingerlanerannik naammassinnissimanersut.
- e. piginnaangorsaannerit ingerlaneranni uniinnartut qanoq amerlatigisimanersut, inuit amerlassusaat.
- f. inuit qassit piginnaangorsaannerimut, ilinniagaqalernerimut imaluunniit suliffeqalernerimut ingerlaqqissimanersut.
- g. inuit qassit suliffissaaleqisut piginnaangorsaannerit ingerlanerisa naammassereerneranni naqitsittarnerisut.

b pillugu – Piginnaangorsaannerit ingerlanerannik naliliineq:

Matuma siuliani paasisutissat taaneqartut aallaavigalugit apeqqutit matuma kingulianiittut oqaseqarfigineqassapput aammalu inerniliinermik naggasiisoqassalluni.

Nalilersuineri nassuiaat ilaatinneqassaaq ukununnga:

1. Uniinnartoqarsimappat, tamanna sumik pissuteqarpa?
2. Peqataasut misilitsinnermik angusisimangippata, tamanna sumik pissuteqarpa?
3. Peqataasut ingerlatami naammassereernerimik kingorna ilinnialerlutik imaluunniit sulilerlutik aallartissimangippata, tamanna sumik pissuteqarpa?
4. Piginnaangorsaannerit, suliffinnut sannavinnullu sungiusaannerit ineriartortinneqartuarnissaat aammalu inuusuttut piginnaangorsarnissamut pisariaqartitaannut naleqqussarneqartuarnissaat qanoq iliorluni Piareersarfiit qulakkeerniarpa?



Piareersarfinni atuartsisut aamma pisortat angusat pitsaasut taamatullu pitsaanngitsut nalilersussavaat nassuiassallugillu aammalu atuartsinerup ingerlatallu, peqataasut amerlanerusut pisortanit pilersorneqarnermit qimagukkiartornissaat qulakkeerneqarsinnaanngorlugu ineriartortinneqarsinnaanerinit siunnersuuteqassallutik. Naliliinermut ilanngullugu AEU-mut atuartsinissamut pilersaarutit aammalu ingerlatanut sannavimmi suliffinnullu sungiusaanermut atatillugu ingerlanneqartunut pilersaarutit ilanngunneqassapput.

Suliffeqanngitsunut suliniuteqarnermut ingerlatsinermut tapiissutit

2015 imut ataatsimut katillugit ingerlatsinermut tapiissutit naatsorsorneqarput:

8.500.000,- kr. Piareersarfiit suliassaqaarfiinut. Taakkunannga

3.000.000,- kr. ingerlatsinermut tamarmut tapiissutaapput ilinniartunut tapersiissutinut aningaasassat ilanngunnagit. Ilinniartunut tapersiissutit meeqqanut tapit ilanngullugit ataatsimut katillugit **5.500.000,- koruuniupput.** Ilinniartut allattorsimaffiat toqqaannartumik naalackersuisoqarfimmut nassuinneqareerpat, ilinniartunut tapersiissutit qaammatikkaartumik tunniunneqartarnerat ingerlaannassaaq. Aningaasat tunniunneqartut Namminersorlutik Oqartussani ilinniagaqarnersiuteqartitsivimmut, USF-imut nuunneqassapput. Ingerlatsinermut tapiissutit imatut agguarneqarput:

- Ulloq 1. januar 2015 **1.800.000,- kr.** nuunneqassapput. Aningaasat taakkua ataatsimut katillugit ingerlatsinermut tapiissutit 60 %-iisut annertussuseqarput.
- 40 %-it sinneruttut, **1.200.000,- koruuniusut** ulloq 1. oktober 2015, naalackersuisoqarfiup ulloq 15. september kommunimit nalunaarsuutit naliliinerlu tigoreerpagit tunniunneqassapput.

8) Ilinniagaqarnersiuteqartussanut amerlassusiliinerit

Kommuneqarfik Sermersooq ilinniagaqarnersiuteqartussanut ataatsimut aningaasaliiffiuvoq ilinniartunut qaammatini agguaqatigiisillugu qulini ingerlataqartunut 284-inut. Inuit ilinniagaqarnissamut piumasaqaatinik naapertuisinnaareersut taakkunannga ilinniagaqarnersiuteqarsinnaanngillat.

Takuuk kapitali 1-i illoqarfinnut agguataarinerit.

Ilinniagaqarnersiutit 157-it USF-Ilinniagaqarnersiuteqartitsivimmut naatsorsorneqassapput, sinnerilu Inuusutissarsiornermut, Suliffeqarnermut Niuernermullu Naalackersuisoqarfimmut suliffissaaleqineq akiorniarlugu suliniummit naatsorsorneqartassallutik. Nalinga kr. 5.500.000.

Kommuneqarfik Sermersooq suliassat matuma siuliini aaqinneqarnissaannut Namminersorlutik Oqartussanut akisussaatinneqarpoq.

Namminersorlutik Oqartussat sinnerlugu

Kommuneqarfik Sermersooq sinnerlugu